

¡BOMBA!

De Campeche, muy preocupado,
ahí va chisme sin igual:
resulta se va el fiscal,
por sirenas que ha escuchado




K'uintsil

Jueves 13 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2254 · www.lajornadamaya.mx

Paalal yéetel icho'obe' kuj k'u'ubulo'ob Chichén Itzá, a'alab ti' u xak'al xookil jenomáas meyajta'abij



Úuchik u xak'alta'al úuchben jenetikóo ba'alo'ob chiikpaj tu yúuchben kaajil Chichén Itzá, ojéelta'abe' yaan paalal ku k'u'ubul ka'achij, ts'o'oke' chéen xiibo'ob. Le je'ela' jump'éel meyaj beeta'ab tumen junmúuch' ajxak'al máako'ob jo'olbesa'ab tumen Rodrigo Barquera Lozano, máax mu meyaj Departamento de Arqueogenética ichil Instituto Max Planck de Antropología Evolutiva (MPI-EVA, yóok'lal bix u k'aaba' ich inglés t'aan), tu kaajil Leipzig, Alemania, tu'ux táakpaj xan kantúul u ajmeyajilo'ob

Instituto Nacional de Antropología e Historia (INAH).

Xaak'alé' jts'a'ab k'ajóoltbil tu pikil ju'unil Nature. Te'elo' jts'a'ab k'ajóoltbile' xak'alta'ab junmúuch' úuchben baako'ob kaláanta'an tumen Centro INAH Yucatán. Ojéela'an baako'obe' u ti'al paalal k'uba'abij, ts'o'oke' yaan tak ti'al ka'atúul icho'obi'.

Le je'elo' ku tukulta'ale' nuupul yéetel úuchben ba'ax suuka'an u beeta'al tu tsikbalilo'ob Popol Vuh, tumen icho'obe' u chiiklal u ka'a tséelil yuumtsilo'ob yéetel

jolkano'ob. Ts'o'oke' lela' yáax juntéen u yila'al yaan icho'ob ti' úuchben maaya muukilo'obi'.

Meyaje' múul ts'iibta'ab tumen Rodrigo Barquera, Víctor Acuña Alonzo, Oana del Castillo Chávez yéetel Diana Iraíz Hernández Zaragoza, ichil uláak' máako'ob.

Xak'alta'ab u reestosil 64 paalal, kaxta'ab tu ja'abil 1967, ti' jump'éel kúuchil ts'a'aban ka'ach tu taamil 300 metróos, tu xamanlak'inil Cenote Sagrado, tu yúuchben kaajil Chichén Itzá.

Oochel Raúl Angulo